

335

435

22.03.2016.

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku
i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

Broj: 11-05-38-1373/16
Sarajevo, 18.03.2016. godine

SKUPŠTINA KANTONA SARAJEVO
n/r Ane Babić, predsjedateljica Skupštine Kantona Sarajevo
- ovdje-

POSLANIČKO PITANJE

Na jedanaestoj Radnoj sjednici Skupštine Kantona Sarajevo, održanoj 01.02.2016. godine, u okviru tačke Dnevog reda „Poslanička pitanja, inicijative i odgovori“, zastupnica Avdibegović Neira je postavila zastupničko pitanje koje je vezano za inicijativu za uvođenje dvokratnog radnog vremena u vrtićima u JU „Djeca Sarajeva“:

ODGOVOR

Ministarstvo je Vaše pitanje koje je vezano za inicijativu za uvođenje dvokratnog radnog vremena u vrtićima JU „Djeca Sarajeva“ proslijedilo JU „Djeca Sarajeva“, te Vam u prilogu ovog akta dostavljamo njihovo očitovanje u vezi sa spomenutom zastupničkom inicijativom.

Takođe, koristimo se prilikom da Vas informiramo da se na nivou Ministarstva određeni vremenski period provode aktivnosti na izmjenama i dopunama podzakonskih akata iz oblasti predškolskog odgoja i obrazovanja, te će, između ostalog, izmjene doživjeti i Pedagoški standardi i normativi za predškolski odgoj i obrazovanje, kojima se tretira navedena predmetna problematika.

S tim u vezi, Komisija koja provodi navedene aktivnosti je predložila produženje radnog vremena vrtićima do 19,00 sati, čime bismo izašli u susret roditeljima koji su zainteresirani za boravak djece u vrtićima i u poslijepodnevnim časovima.

S poštovanjem,



Prilog: Odgovor JU „Djeca Sarajeva“



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1





**Bosna i Hercegovina
Federacija Bosne i Hercegovine
KANTON SARAJEVO
Javna ustanova «Djeca Sarajeva»
SARAJEVO**

1793

Broj: 02-01-197 /16.god
Sarajevo, 11.03.2016.god

**KANTON SARAJEVO
MINISTARSTVO OBRAZOVANJA I NAUKE
N/r Ministra Elvira Kazazovića**

**SKUPŠTINA KANTONA SARAJEVO
N/r Ane Babić, predsjedavajuće**

PREDMET: Odgovor na poslaničku inicijativu;

**Bosna i Hercegovina
Federacija Bosne i Hercegovine
KANTON SARAJEVO**

PRIMLJENO: 11 -03- 2016			
Organizaciona jedinica	Klasifikaciona oznaka	Redni broj	Broj priloga
✓			

Cijenjeni ,

Javna ustanova „Djeca Sarajeva“ Sarajevo je već po osnovu ranije poslaničke inicijative zastupnice Neire Avdibegović, dana 14.10.2015. godine dala odgovor na pitanje uvođenja dvokratnog radnog vremena u vrtiće JU „Djeca Sarajeva“ Sarajevo.

U nevedenom dopisu smo detaljno obrazložili da je ranije bio organiziran rad druge smjene u vrtićima te da je isti postepeno ukidan radi slabog interesovanja i dolaznosti djece u drugu smjenu. Isto tako smo obrazložili da prilikom svakog javnog poziva za prijem djece ustanova daje mogućnost pohađanja druge smjene u vrtiću „Dječiji grad“ na Mojsilu gdje se ovakav oblik rada u prethodnom periodu jedino organizirao u skladu sa potrebama roditelja, te da je broj zainteresovanih polaznika na posljednjem javnom pozivu bio svega 2 djece.

Obzirom na mali broj zainteresirane djece, Ustanova nakon sprovedenog Javnog poziva nije sprovodila dodatno anketiranje roditelja u ovom smislu, niti je bilo nekih posebnih anketnih upitnika za roditelje u ovom kontekstu.

Želimo istaći da Javna ustanova „Djeca Sarajeva“ nastoji ispoštovati sve potrebe roditelja i djece, te da smo u svakom momentu na raspolaganju za uvođenje dodatnih oblika odgojno obrazovnog rada, u skladu sa potrebama roditelja i interesovanjem.

S tim u vezi, u slučaju prijave dovoljnog broja roditelja čija bi djeca pohađala drugu smjenu u vrtićima (minimalan broj djece za formiranje odgojno obrazovne grupe propisan je Pedagoškim standardima i normativima za predškolski odgoj i obrazovanje), preduzet ćemo sve korake kako bi se ovaj oblik rada organizirao u vrtićima u kojima postoji takva potreba.

U tom smislu ističemo da se izmjenom i dopunom Pedagoških standarda koja je u toku ide u smjeru produženja radnog vremena vrtića do 19.00 sati, čime bi se usluga znatno unaprijedila na zadovoljstvo korisnika usluga.

Radi bolje upućenosti, ponovo dostavljamo naš odgovor na zastupničku inicijativu br:02-01-879/15 od 14.10.2015.godine.

U prilogu: Kao u tekstu

S poštovanjem.

Dostaviti:
-naslovu
-a/a





Bosna i Hercegovina
Federacija Bosne i Hercegovine
KANTON SARAJEVO
Javna ustanova «Djeca Sarajeva»
SARAJEVO

879

15 - 10 - 2015



KANTON SARAJEVO
MINISTARSTVO OBRAZOVANJA I NAUKE
N/r Ministra Elvira Kazazovića

Broj: 02-011-879 /15
Sarajevo, 14.10.2015.

PREDMET: Odgovor na poslaničku inicijativu;

Cijenjeni Ministre,

Povodom inicijative poslanika u Skupštini Kantona Sarajevo Neire Avdibegović vezane za uvođenje dvokratnog radnog vremena u vrtićima JU "Djeca Sarajeva" Sarajevo, obavještavamo Vas slijedeće:

U Javnoj ustanovi „Djeca Sarajeva“ Sarajevo u proteklim godinama periodično je bio organiziran rad u dvije smjene i to u vrtićima:

- 1."Rosica" u ul.Paromlinska br.7. (Općina Novo Sarajevo)
- 2.Aprilski cvijetovi" u ul.Envera Šehovića br.1.(Općina Novo Sarajevo)
- 3."Lastavica" u ul.Građačka 145. (Općina Novi Grad)
- 4."Dječiji grad" u ul.Olimpijska bb (Općina Novi Grad).

Međutim, činjenica je da je zainteresovanost roditelja za korištenje druge smjene bila više nego minimalna, odnosno broj djece prijavljene za pohađanje druge smjene je kontinuirano opadao te dostizao broj manji od minimuma za formiranje odgojne grupe u skladu sa Pedagoškim standardima, tako da je druga smjena postepeno ukinuta u ovim vrtićima, osim u najvećem vrtiću ustanove, vrtiću „Dječijograd“, gdje su i na posljednjem javnom pozivu za prijem djece pozvani zantereširani roditelji da se prijave za korištenje druge smjene, te je broj ovakvih zahtjeva bio svega 2 zahtjeva, što nije niti približno dovoljno za formiranje odgojne grupe niti ima svoju pedagošku i ekonomsku opravdanost.

Vezano za prednje navedeno, treba posebno naglasiti da dijete koje koristi drugu smjenu ima potpuno ista prava vezano za brigu, njegu i obrazovanje, kao i dijete koje koristi prvu smjenu, što znači: obezbjeđen odgojno-obrazovni kadar, 3-4 obroka te prateće tehničko osoblje koje će biti angažovano i u tom periodu.

Iz svega navedenog može se zaključiti da ukoliko bismo govorili o uvođenju druge smjene na nivou svakog vrtića, ostavljajući u ovom momentu po strani minimum broja djece u grupi prema pedagoškom standardu, to bi značilo dodatno upošljavanje po 2 odgajatelja po grupi, odnosno 58 novih odgajatelja radi organiziranja druge smjene. Ovdje smatramo posebno važnim pojasniti da nije pedagoški opravданo niti ispravno govoriti o opciji da roditelj birajući smjenu, dijete dovodi npr. jednu sedmicu u jednū a drugu sedmicu u drugu odgojnu grupu ili da npr. u toku dana do 17.00 sati provodi sa jednom od odgajateljica prve smjene a od 17.00 do 22.00 sata sa jednom od odgajateljica druge smjene. To bi u praksi značilo da je odgojno-obrazovni rad sveden na „čuvanje“ djece a ne na odgoj i vaspitanje djeteta. Ovo se najbolje može uporediti sa primjerom kada bi dijete koje pohađa prvi razred osnovne škole jednu sedmicu pohađalo u jednom odjeljenju a drugu u drugom , ili u toku jednog dana dio nastave provelo u jednom a dio u drugom odjeljenju.

Dakle, ako bi smo rezimirali mogućnost uvođenja druge smjene na nivou vrtića JU "Djeca Sarajeva" moralo bi se uzeti u obzir slijedeće:

- da isto predviđa formiranje zasebne odgojno-obrazovne grupe uz obavezu poštivanja minimuma broja djece prema Pedagoškim standardima, što se prema dosadašnjoj praksi i iskustvu koje smo imali, ne može ispoštovati,
- da povlači upošljavanje novih uposlenika (po 2 odgajatelja za svaku odgojnu grupu i novo tehničko osoblje)
- da znači povećanje troškova ishrane radi obaveze uvođenja novih obroka i drugih troškova.

S druge strane, prijedlog Komisije za izradu podzakonskih akata iz oblasti obrazovanja koji je iznesen prilikom izrade Pedagoških standarda i normativa jeste da se izvrši drugačija organizacija rasporeda radnog vremena i satnice rada odgajatelja i na taj način, bez dodatnih troškova i uz uvođenje četvrtog obroka koji će se obezbjediti iz povećanja prihoda zbog promjene cijene boravka, reorganizira rad vrtića i do 18.30 sati, odnosno omogući korisnicima cijelodnevног boravka korištenje usluge i do 12 sati dnevno umjesto dosadašnjih 10 sati, čime bi se znatno olakšalo upravo zaposlenim roditeljima.

S poštovanjem.

Dostaviti:
-naslovu
-a/a

